

文
館
詞
林
二

~ 16
618
2



16
618
2



文館詞林卷第四百五十九

碑卅九

百官廿九



中書令太子賓客監修國史弘文館學士上柱國高陽郡開國侯許敬宗等奉

勅撰

都督三

隨李德林秦州都督陸杳碑銘一首

并序

李百藥洛州都督竇軌碑銘一首

并序

荊州都督劉瑒碑銘一首

并序

夔州都督黃君漢碑銘一首

并序

都督三

秦州都督陸杳碑銘一首

并序

隨李德林

公諱杳字雲邁清都臨漳人也有
魏及茲門為將相軒冕超於六葉
光於九有曾祖某司空公東郡莊
王美斲鍊之和垂台象之耀祖翼
州刺史東郡惠公清猷雅望冠帶

文官同林

四百五十九

推重父開府儀同三司東郡文宣
公樹德行道楮紳注意公往家河
洛含章挺生水德不經諸華漸亂
臣有轉日主或寄坐家家習從橫
之說人人懷戰爭之圖公執操不
群早而秀異依道遊藝俎豆而已
然其屈迹和光卷舒不測異類喜

其汎愛同道貴其深誠故雅俗傾
心聲高天邑魏司空咸陽王坦公
之舅也擇褐叅其軍每步槐庭如
暎珠玉元象年中除都督府主簿
加明威之号轉凌江將軍大將軍
中兵叅軍所奉之主即文襄皇帝
此則周武為太子之朝魏文居郎

將之府正己膺正人之選文藝從
文容之遊武定五年轉太常丞六
年授尚書左中兵郎仍歷度支金
部庫部天保初轉倉部文宣公薨
公孝行昭著特改所居為孝終里
起魚行臺右丞巡江慰勞時則侯
景外叛殲蕩金陵自江已北始為國

有陳霸先鳩集犬羊窺我王略
公運籌於外往若風行地方數千
一舉而服七年以太夫人憂去職
給假十旬起為度支郎又轉都兵
舍香粉壁年將一紀雖復器用見
留時論咸以為屈公怡然自得未
以升降為懷遷成安令帝城之下

之官同林

四百五十九

舊号難綏齊導有方大弘聲績
尋授肅宗太丞相府從事中郎
仍兼并省右丞晉水之陽一相彼
在霸者之佐知無不為皇建初拜
給事黃門侍郎冠軍將軍太監
二年除散騎常侍夕郎顯任垂憲
官人出納如流見稱臺省北夷猶

夏往寇太原王師駘逐已出塞表
防過之理朝議猶切公前後受詔
北築諸城東西接連亘二千里城
池作固沙漠無虞詔食永寧縣幹
加輔國將軍賞勤幹也天統元年除
銀青光祿大夫領魚太常少卿大
樂大禮多所刊革勅監庫部營造

軍器智均武庫臧重軍謀事無
不有才允斯任加驃騎大將軍假
儀同三司五年出為使持節都督
東徐州刺史武平三年轉使持節
都督北徐州諸軍事北徐州刺史此
二徐也九州之一土風如舊好尚亦
同斯境之政始行彼地之人已化仁

風和四時之氣德澤兼十日之雨一
言出口千里俱應夏狄自馴淮夷
清靖陰陽順序非籍景山之行
邦國用康弗待休徵之力轉使持
節都督秦州諸軍事秦州刺史有
陳摛蹶寇我江陰城猶環堵忽被
圍逼公班條為政始隔時序外隣

即慕其風合境已懷其德既而身
嬰沉痾大節感人縈帶固於金湯
愼夫成於貔豹晨昏相抗交戰必
摧淹厯數旬顧有餘力以切賞開
府儀同三司病恙積時憂勞致楨
薨於州館春秋五十三遐迹悲傷
莫不掩泣至是号令無至城府淪

陷賊徒荷平生之意黎獻念宿
昔之恩各盡誠節奉送神柩某月
日殯於故里之第贈使持節都督
瀛滄安三州諸軍事瀛州刺史尚
書令將軍如故加等之命以王事
也除其子玄卿為膳部郎延嗣之
賞義循古昔年月葬於茲所惟公

氣調清遠神彩明暢至察而能容
物機事不傷於道鄙仲舉之少通
輕奉高之易挹生知在文藉之外
大學益識悟之高昆季扶踈閨門
禮讓各垂孝悌之舉俱稱才幹之
美自在朝行任兼內外竭誠陳力
利物濟時知幾若神應變如響至

仁資執義之武深謀有不疑之斷
上宣冥昧晚遇宸讎若增筭假年
申其智略豈徒非朝伊夕肅清藩
部故當吳越平蕩翹足可期忽逢
殒瘁之哀更長江湖之惡人事不
幸一至於斯天地不仁何其甚也
故吏某官姓名等日月逾往懷感
弥至思騰聲實永無窮勒石神
道紀功旌伐其銘粵
荀該四海素号五公高門盛業時
異人同愷悌君子降德玄穹行為
準的孝極始終秩宗官次文昌禁
宮移風易俗人代天工京邑侯政
江徼遐通入敷善績出達竒功宰

朝霸府恒擅芳風瑱門雲閣任寄
愈隆國之大事其一者戎器拭城
雉幼勞在躬附蟬高潔佩綬青蔥
畫州分宰仁明有融人知恥格時
皆發蒙陳人違信望我關弓沉痾
激憤蕙義成雄或拒或戰凶徒屢
窮嗟守命也逝水其東圖南落

翻謁北歸豐師霑泣而城入妖虹
豺狼得志藩邑俱空生排寨廓死
困樊籠伊昔邊守贈藥還童蠻夷
感德禮敬斯崇故鄉送返無待交
夢哀榮既畢弄木方叢徒傷人吏
追慕克克

洛州都督賈軌碑銘一首

并序

李百藥

蓋聞補天立極大聖於是勃興政
亂朝昏名臣以之陳力步驟之跡
既弘經綸之會斯在固雷風通響
成其化者言切韶漢錯音應其時
者人傑公諱軌字士則扶風平陵
受終若帝之初大碣鴻業中興復
禹之績因生命氏廣國追讓之風
聲高外戚安豐功烈之美義一正中
台夏暨皇唐始於盛漢門感
靈貺母儀天下是故昭章圖牒冠
冕楮紳經文緯武之才照重光於
百代撞鍾列斲之盛流餘慶於千
祀十二葉祖統鷹門太守大將
軍武之從子也武以大功不遂

為閹官所誅統避難三奔出塞代
為南部大人威振華夏七葉祖羽
魏太尉遼東京公屬魏氏中微愍
攝朝政竭忠貞以安社稷扶幼主
而令姦雄曾祖略征北大將軍太
保雍州牧柱國建昌孝公德高禮
縟爵為帝師清徽素範坐鎮雅
俗祖熾魏侍中周太宗伯隨太傅
雍州牧上柱國鄧恭公以蓋俗之
姿運如神之智道尊三代義盡
一心父某周大宮伯襄州亳州管
上柱國鄧國公柱將相之門懷棟
梁之器位因功顯名以實高公藉
繁祀之資稟英靈之祚感白雲而

諧庶績受璜玉而秘兵鈴幼樹風
神夙標名節志尚宏遠獨秀人倫
期管樂於老成望韓彭於兒戲軼
雲羅於沮澤追電駕於當途隨
仁壽中以獻皇后挽郎授朝請郎
遷資陽郡東曹掾苞湘納漢始
消滄於濫觴蔽日干霄尚峙傾

於霞貫氣憤風雲之際情察天
人之理石立之祥斯也土崩之義
有徵公家即塗山姻連渭汭想白
狐之慶義屬過門望黃鳥之旗
頽飲同德及星屯秦井電奄商郊
軍次蒲城便杖劔請謁太上皇見
公大悅言及平生備獻誠款雖盧

館之出入卧内鄧禹之心宿禁中不
能過也命公為渭南道大使柘
撫得以便宜從事取永豐之粟甚
漢卒之食教倉下華陰諸縣同周
師之據脩武既有宿飽之資仍成
楹喉之業以功授金紫光祿大夫
封贊皇縣公又占募英勇五萬餘
人從入京師翊成大業揚州精甲未
足擬儀薊市耶榆曾何等及兵
臨九地氣竭百樓以公為東面大
將于時四夷雲合万里風行彭濮
比肩樊灌接踵皆出公麾下心預
偏裨任寄之重罕有其二平城之
日功實先登進授光祿大夫即上

柱國也仍除大丞相府詔議參軍
事軍諮祭酒此即其人朔府洞開
首膺高選尋而稽胡侵軼將逼
近畿公乃推轂專征大破凶黨復
令公乘勝長驅討薛舉殘猾武
德元年拜太子詹事惣司之要任
切宮端才地之華允茲時望尋遷
使持節惣管隴右諸軍事秦州
刺史帶秦州道行軍元帥秦隴
形勝控馭遐遠雖地接京畿而人
多異類西戎即序之地尚餘榛梗
北狄背義之徒時警烽雉惣以司
牧寄之分閫事兼文武惟公是屬
於是翦寇虐以威刑懋風俗以平

典寬猛相濟化成暮月某年進
封鄴國公食邑通前三千戶二年
以印轅初平命公持節巡省以為
隴蜀道安撫大使三年拜益州道
行臺尚書左僕射擢跡文昌儀
刑端右此之舉也特異常倫仍以
行臺兵從平伊洛然神旗所指事
功未蘇蓄牧之勞尚資心力公處
惟幄之內在行陣之間運籌執銳
功冠諸部四年平王克擒竇建德
仍陪旌節獻捷京師凱樂之辰五
將同列元帥居首是推
聖上榮寵之盛今古未聞七年廢
行臺省仍權檢校益州大都督

九年朝廷大論義旗已來有大功
於王室者並食真邑公於是別賜
益州封戶書社六百家貞觀初拜
使持節大都督益綿嘉邛陵雅
簡眉八州嶺南會寧三都諸軍
事益州刺史公自杖節華陽綿
厯時序懷荒撫衆之勤定筮存
邛之効固以夜郎款徼昆弥率俾
非假諭蜀之文靈勞度瀘之役得
馘之衆每獻廟廷實賦之多充仞
王府殉公益國不可勝言自秦昭
平蜀厯茲永久或班祿判舉或部
符共化竊比明德彼用多慙王襄
樂職之篇蓋為小枝王尊叱馭之

舉非曰大忠文翁之循學校纔方
進誘李冰之斃江神多慙義烈自
餘眇小夫何足言尋入為右衛大
將軍加左光祿大夫文昌上將列位
天遑軒禁鈎陳擬儀震象惟公居
之隱如敵國二年拜使持節行都督
洛鄭伊懷四州諸軍事洛州刺史左
光祿大夫如故陰陽交會之所山川
作固之都先王以之卜食

今上於焉分陝居此地也寔簡帝
心公道在公平義惟正直開物闡
化急病讓夷訓五方繁雜之毗化
三川機巧之俗源清流潔風行草
屢四年以疾薨於館舍春秋若干

五年葬於某所謚曰某公禮也惟
公始於立身終於行道操履端
肅志尚清明未為顯晦易情不
以風霜變節神用成九德之基天
經為百行之本早升庠序遍觀
流略既韞從橫之志便輕俎豆之
容數為梁甫之吟每動崇上之嘯
王清閣卷軒蓋有期陳蕃虛室
閑居未掃觀象察變窮數知來
嘗覩赤伏之符且識黃神之命
屬唐郊授手大濟生靈匪心姻
連帝家固以才膺王佐潛德之友
本以鷄酒相期利見之辰還成魚
水相得言行計用未藉三略之書

戰勝攻取自有萬夫之敵故能動合
神心畢符冥契收鯨鯢若摧朽拉
犀象如拾遺權節臨藩捍城之
道斯極分麾鞠旅方面之績居
多功若丘山屢形中百心如金石且
降王言而臨軍用兵莅官行政以
為不言之教藉震曜以為威大道

既乘非仁慈之可化純以儒術漢
帝謂之亂家先以刑書鄭相以之
理國中興之道云盛遺愛之德猶
存是以奉之以律令申之以擯楚倏
嚴霜而厲威則飄風以疾惡至
於舊交密戚弥行直道雖苟晷
之忍對從母蘇章之暫禮故人無

以喻也亦由至察共簡易相背強
斷與隋直相成故醜正之徒或傳
謗盜憎之訟時聞

旒扆爰自貞觀俗易時移太平
之化伊始刑措之風愈洽公望表
知裏在變能通協聖

主之心遵上皇之始導德齊禮有
恥且格自非惟幾以成務其能與
於是乎其誣慎守道厲精勤事
求之古人未易遇也固以重南容
之三復惜陶侃之分陰及遘疾弥
留至於大漸每發中使屢遣太
鑿凶問至京廢朝輒悼
詔葬之儀以極昭贈之制有加

夫立德計功垂範貽則可以銘
太常而書王府鏤金石而被管弦
在當年而無媿歷永代而不朽者
惟公平故吏某官姓名等想生氣其
猶存痛徽音之永謝式昭盛業樹
碑神道嗣子某等克構丕基早
標令譽怵惕霜露欲報之志無
從匍匐几筵誄德之情斯切銜哀
見託乃述銘曰
炎光浸隱命厯斯窮滔天塞霧
振海飛風
皇靈膺錄大濟神功龍興晉野
電照秦中灼灼英武人之先覺才
應時須神生靈岳始離縑祿將遊

黷學已寤滌沉俄觀卓犖乘機
去亂杖義來蘇瑀戈振旅玉帳
陳謨將屠涿鹿且塞飛狐情滌
寂鄧慶叶微盧既入高郊仍開軹
道高邑攀鱗靈壇薦寶每奉王
命通行天討拾益如遺僊秦猶
草水闕王城神開伊闕榮頽玄

女功叅黃鉞告廟飲至循插稱
伐一廁等夷芬芳無歇河洛帝里
岷峨襟帶畢綜樞機常司要害
始遇天造終逢時泰間以聿弦動
攝羣會南山獻壽北里呈祥將
陪東狩遽落西光羣物不殀彼
獨殲良哀纒土庶痛結早蒼冥漠

人理生平華屋初咲後蹄始哥終
史馬奔鍾斲歲蕤簡牘方託辰
精徒嗟梁木

荆州都督劉贍碑銘一首

并序

李百藥

昔西都佐命罕聞風烈之餘東漢切
臣鮮預公卿之任以帝王之胄隨騰嘯
之舉出居侯伯之重入震丹青之地樹

鴻勲於草昧敷文教於尋倫見於
武陵劉公者矣公諱贍字道洽彭
城綏輿里人也今儔居亳州之麻邑
縣自彤雲碣命光宅域中繁衍之
祚無窮克昌之道斯盛固以分華
若木疏汎咸池叅辰極以高驤振
江河以長邁曾祖方譽魏長社縣

令祖英信潁川太守譬仲弓之知道
下邑慶屬後昆即細侯之布政近
畿福流京縣父玄宰州主簿得性
一止忘懷三徑始遊塵俗終逸江
海公藉慶承寵含和稟秀長虹
吐閨奔電增暉靈府之中高懸明
月姿儀之表近照澄流爰自幼年
遠標風尚始遊黌塾聞戒露於九
臯將騁康衢躡遺風於千里言從
賓貢利用王途雖禮秩未弘而聲
猷藉甚自永州行佐徵授雍州萬
年縣丞隨大業之末頗攝行華
陰鄭涇陽鰲屋三原武切諸縣事
是時賦重役煩政荒人散歷試諸

縣蓋有由焉考績獨高優陟宜遠
勅除太原縣長神惟改天將悔
禍獨夫之怨既深撫我之情逾切
公仰觀垂象俯慨橫流哀時命之
未申痛人靈之孔棘方成縱壑之
資自感登山之夢盡變通之術進
從橫之圖運翰略於樞機煽風雲
於懷抱義旗初建授正議大夫太
上皇開大將軍府以公為諮議參軍
事斯固公遠處軍諮之地奉孝成
大業之辰豈止孫盛賀猶從容府
朝而已

聖上別愬輕銳出定西河各公權
攝行軍長史西河平進授銀青光

祿大夫仍留公檢校西河都通守
得以便宜從事仍令催督軍糧招
集土馬吳起作守未固河山千木
遺風猶多節槩公導之以期運示
之以幾微於是投袂爭先贏糧景
從非期而會不下萬人武德元年以
西河為浩州授公刺史九月進位大
將軍封武陵郡開國公食邑二千
戶西河始屬亂離人情未一自公安
撫咸悅來蘇妖賊劉武周閭左叛
徒挺禍汾晉雖謳歌有奉而窮竒
末草同惡相濟醜類寔繁連結百
城從橫千里駝率犬羊盡銳攻逼
重以并州失守人情惶懼雲梯地道

氣盡百樓亨安易子糧無半疇公
懷此精誠厲斯忠義非唯舉刃指
虜重圍洞開足使拔劍揮泉飛流
自湧士感恩惠以死為期或刎頸自
明或焚妻取信諸將敗衄多見奔
援因公獲濟則有人矣孤城絕援
綿歷三年內安外拒心力俱竭聖上
掃清虜祲方得保全進位上柱國仍
除太府卿以旌功伐也公貞固以濟時
清明以膺務理繁而不紊震剴而
行簡氣序纔移大標聲譽五年
拜襄州道行臺兵部尚書仍持節
山南道巡撫大使戎事之大分職文
昌旌節所履載光原隰又以奉官

檢校襄州都督襄州刺史尋除司
農卿帝命四子敬授人時農日八
政寔惟國本選衆而舉能官攸屬
倉廩既實禮教斯弘八年以趙王為
安州大都督又以本官檢校安州大
都督府長史又權檢校荊州大都
督府長史其年又檢校襄州都督貞
觀二年又檢校荊州都督五年

詔除使持節都督荊硤岳朗澧東
松六州諸軍事荊州刺史周稱九命
作伯漢去六條刺舉分職設官輕
重或異導禮齊德損益同歸昔
杜元凱以經國宏才惣司南服爰
自樊漢遷督荆郢以今望古比跡為

鄰其撫有蠻夷加宣王化豈擇沮
漳之令典將盡周邵之遺風焉而黃
亮之道未申夭壽之期俄畢促生靈
於厚夕掩昭代於重泉以年月日薨
於府舍春秋若干粵以其年月日
葬於某所謚曰某公禮也惟公風
力宏遠英姿秀發少多大志卓犖
不群圖鶴列於撫塵肆龍吟於狹
室陳平間卷車馬每遊王濬門
遊
播旗斯在時有未遇道或可懷屋
壯志於膝序挫雄心於俎豆俯仰之
節自合威儀造次之間動成規矩文
籍滿腹曾無踳駁之譏珪璋閎色
寧有多藏之患以義利人以仁求已

貴不易交貧而好施願惟百行深
懼四知廉足激貪儉多逾禮霜霰
澌而莫改風雨晦而不息始見漸
陸之姿俄縱垂天之羽附日月而起
沛遊履玄黃而翦商邑霜朝諷
諫豈止中涓之勤河西守禦空唯
冀城之固再登九列任隆望重高

五
分三
身于之青
名臣之
才守

農政爰司玉府叶贊九功兼資億廣
惟彼荆衡作固作鎮形勝所屬道風
逾峻江漢澄清琨璠比閩黃閣未
畧丹雲貽豐庸矣國楨傷我梁木
捐耒釋耜塗吟巷哭郢故墟江山
極目清暉素範蘭芬桂馥藩牧

察采友執通賢共懷遺愛同嗟小
年至情枯柏大署開阡豐碑永
樹盛德方傳

夏州都督黃君漢碑銘首

并序

李百藥

蓋聞龍騰鳳舉聖人德合上天附翼
攀鱗名臣道符興運然濟人活國非
止獨見之明保大定切必藉群才之

力

大唐乘軋御厯奄宅區夏圖錄草
昧之辰旌旗卷舒之際風雲所感文
武兼資得孫吳之秘策為韓彭之
稱首其唯都督歸國公者焉公諱君
漢字景雲東郡胙城人也臯陶伯益
邁種之德無窮太尉司徒重光之

慶弥遠自晉宅淮海代仕丹楊六
葉祖据與王玄謨同趣滑臺仍為
東郡太守故自江夏徙焉長江上
膺井絡惣百谷而會万川靈河氣
積咸池孕驪珠而開龍運故能含英
發秀載挺異人鳥卉三古昭章百代
曾祖顥魏散騎侍郎平昌郡太守

金珥之華寔符令望銀章之重式
允具瞻祖崇太中大夫器守深遠風
調高簡中庸履道上庠待問父制
卷懷止壑養志琴書屬天將弃膺
政荒人散地豕荐食彭危殆君
投袂發憤情深批患乃占募鄉人
表請式遏勅授鄉豪大都督及奉

朝傾覆仍從僊仰既而尉迴稱兵
保全州國仍惣督士馬出赴汴州公
義承廷訓慶藉緒餘持名教以立
身錯黼藻而成性年甫弱冠耿介
不群柏黃閣以載懷望青雲而孤
竦豹略龍韜之旨因心以悟背山面
水之術盡地成圖蹈義之方屬熊
掌而不厭趨角之力顧龍文而以
輕仁手截蛟尾歸飲羽斃江神而
憤壯氣貫月魄而運冥切隨煬帝
驅役中夏遠征遼溟鄉閭首望咸
遣募人公義不獲已僉悅從事雖
師徒覆敗猶以先登獲賞授立信
尉奉州勅置軍府選補越騎校尉

仍為本府司馬既而大業數窮朝
危國感公深歎橫流方期義舉招
輯忠勇且觀時變李密據茲勝
地振彼洪飗力拔嵩華志傾龜斷
公言思禍始擁衆策名授公上柱
國河內惣管封汾陰公仍令據守
柏崖委以并吞河朔然同軌之謀

已留東井翦商之衆且定西秦
公察變知來雖懷先覺感恩戀
舊未忍推已及魏公喪律方効誠
款竇融之河右言歸劉琮之荊州
內向弗之尚焉詔除上柱國使持節
惣管懷州諸軍事懷州刺史封東
郡開國公食邑三千戶竇建德鴟

張河朔王充狼戾伊潼絕地為妖
滔天肆虐柏崖山河表裏密迹寇
讎跨太行之險撫崇邛之背是以
不移舊鎮用逼凶醜賊徒嫁禍指
期吞噬始則甘言厚幣以恠亂神
終乃窮兵黷武若外投石以同心同
德之衆藉百戰百勝之威偽將每

擒連城必下雲飛銅爵電照金墉
鞞亡國必敗之徵奮凶魁將死之
魄以切拜使持節管懷陟恭
西濟四州諸軍事懷州刺史封歸
國公食邑三千戶公自獻款
聖朝未蒙利見必馳象魏表請
來遊太上皇以氛祲未靖方資經

略間不容髮用惜分陰乃降 璽
書未允情願仍謂群臣宜歸公誠
績昭著朕思見其人宜遣書工圖
厥容象昔鄧禹雲臺霍光麟閣
身歿之後方飾丹青豈比

皇德念功意存容質遂以生年用
章儀範眇尋前載罕見其倫足

以高邁前脩傳芳來業

皇上親馭一戎將傾九地

勅公惣斯驍銳扈從神麾於是
靖洛關而受圖書暨河朔而和聲
教飲至

廟筵大弘勲典賞迺于嗣禮秩斯
隆既而東魯媛氛塵飛崇岱北趙

餘孽氣積旄頭陪從我旗言誅
後服爪牙之用情寄斯重首虜
之多切無與戴江湖潛沸楊越佐
梗別惣師律以振

皇威盡巢穴致前茅之切自淮肥
成破竹之効軍還除使持節都督
潞澤蓋韓遼五州諸軍事潞州刺

史唐晉之郊用禮舊俗韓趙之際
舊戰國餘風喪亂之後人凋俗弊

以下接後葉冠冕同裂云云

冠冕同裂文章咸蕩公以
厥心靈以墳典開其耳目奉
聖皇之訓比屋可封感邦后之明才
教無類及黠虜內侵邊烽夜警
暉斯飛則神器無守網漏而群凶
競逐人靈之貴涉五履賜地載之
厚瓜分瘠切

大君有作寧濟區夏七十二戰于
戈廿八將咸膺星象公望仁義而
歸往隨謳歌以欣戴運此謀猷奮
斯靈武義兼追楚之騎實與戲
黎之切或任切中權或寄深麾下
或侍言樽俎或式清宮禁雖玄女
秘術必翦鯨鯢赤伏神符自奔犀

象而

皇情乃眷榮府書勲懋德懋切
可久可大軼上山而慶賞盡帶礪
於無窮乃出惣兵機外撫方鎮
既弘車服之錫還資侯伯之重行
太平之化撫思又之眩鳥獸於是
歸仁壘歲以之草面荒微之外種

落寔繁不識君臣莫知正朔公申
以文德示以克心汎海梯山夜郎內
歎觀風候海朝飛重譯方前驅
輦道受記明遶參駕
鑿輿告成日觀而彼蒼寬惠與
善愆期沉痼弥留晦時愈積眷
言神道禍福之塗終昧並走群望

眩史之誠無感粵以貞觀六年薨
於州館春秋五十有二城府聞疴
風雲悽慘營柳藉以銷巨索陰
颯而搖落哀鍾野祭痛結眩謠庶
遺愛之長存恨百身之不贖翰
楮夙詒靈舟歸帆攀帷噎水蹄
慕盈塗非關至峽之獲豈止友

江之歎粵以七年十一月還葬於
本邑之舊塋
皇情軫悼贈贈加等太常考行
謚曰某公嗣子騎都尉河壽第二
子騎都尉河上並氣調標舉器
幹夙成立德之方終期永錫楊
名之美允屬孝思至性通神叶

歸鄉之夢大龜襲吉奉安宅之
圖故吏某官姓名等痛微歆之
永遠懼陵谷之遷賀乃傳芳金
石式昭不朽迺為銘曰

周氏彭濮漢室吳英並去列出
各控強兵竟隨同德並擅高名
於惟上將實惣連城和宣義烈

翼贊休明家積祉
社門多邸相
始自江于聿來河上
昌平溫雅大
夫貞亮日父之蠱
惟人之望弈載
其德我承靈貺
眈眈英眇剋剋
雄姿唐生問相
太卜開龜永懷
廟食獨照軍諮
寶銘北虜羿繳
東夷遺跡是慕
餘風可追國步


毛圯時艱孔棘絕地
群飛經天薄
蝕受圖膺運乘軋
立極大濟生靈
載清區域震風效
響時英肆力
將軍挺秀承風扇
威縱鱗獨運
撫翼橫飛常陪秘
榮必從戎衣窮
神觀化察變知微
山河命賞車服
增暉既戢兵權
用求人瘼家肥物

阜推厚居薄報德迴龜申寬鳴鶴
 多見不忍誰云主諾惟國之楨惟人
 之鐸循虛警節移望鸛輪浮生怛
 化閔水歸真高明至此景福誰親
 泉宮永夕松路非春千年生氣萬
 古芳塵


文館詞林

四百五十九




文館詞林卷第四百五十九



校書殿	寫弘
次	月為洽
二	然
二	院書
二	四年
二	歲



文館詞林卷第四百五十九



文館詞林卷第四百五十九

詔廿七

赦省三

中書令太子賓客監修國史知文館學士程國高陽郡開國公臣許敬宗等奉

勅撰

漢宣帝鳳皇集泰山赦詔一首

後漢章帝麟鳳等瑞改元赦詔一首

後魏孝靜帝膏雨大赦詔一首

宋文帝嘉禾秀烹師赦詔一首

後周明帝靈鳥降大赦詔一首

靈鳥等瑞大赦詔一首

又靈鳥等瑞大赦詔一首

隨文帝獲寶龜大赦詔一首

貞觀年中獲石瑞曲赦涼州詔一首

漢元帝火災赦詔一首

後漢順帝災旱大赦詔一首

西晉武帝三辰謫見大赦詔一首

西晉惠帝玄象失度大赦詔一首

西晉愍帝地震大赦詔一首

東晉穆帝日月薄蝕大赦詔一首

東晉海西公灾眚大赦詔一首

東晉孝武帝地震大赦詔一首

運震大赦詔一首

大旱恩宥詔一首

陰陽愆度大赦詔一首

玄象告譴大赦詔一首

東晉安帝玄象告譴大赦詔一首

南齊高帝水旱乘度大赦詔一首

後周宣帝大旱恩降詔一首

陳宣帝辰象愆度大赦詔一首

貞觀年中為山東雨水大赦詔一首

貞觀二十二年秋八月庚辰詔一首

貞觀二十二年秋八月庚辰詔一首

貞觀二十二年秋八月庚辰詔一首

貞觀二十二年秋八月庚辰詔一首

貞觀二十二年秋八月庚辰詔一首

貞觀二十二年秋八月庚辰詔一首

文館詞林

六百六十七

漢宣帝鳳皇集泰山赦詔一首

制詔迺者鳳皇集泰山陳留甘露降未央

宮朕未能彰先帝佐烈協靈百姓美天順

地調序四時獲象嘉瑞賜茲祉福夙夜兢

兢靡有驕色內省匪懈永惟罔極書不云

乎鳳皇來儀庶尹允諧其赦天下徒賜勤

事吏二千石以下爵

後漢章帝麟鳳等瑞改元赦詔一首

制詔朕聞明君之德啓通鴻化緝熙康人

光照六幽訖惟人面靡不率俾仁風翔于

海表威運行乎鬼區然後敬恭明祀膺五

福之慶獲來儀之貺朕以不德受祖宗弘

烈乃者鳳皇仍集麟龍並臻甘露宵降嘉
穀滋生芝草之類歲月不絕朕夙夜祗畏
上天無以彰于先功今改元和四年為章
和元年秋令是月養衰老授几杖行糜粥
飲食其賜高年二人共布帛各一匹以為
醴酪死罪囚犯法在景子赦前而後捕繫
者皆減罪勿答詣金城式
後魏孝靜帝膏雨大赦詔一首
門下朕承天地之休藉祖宗之業以茲寬
薄欽受大命君臨萬國緬踰一紀德之不
廣明未能燭寔賴將相匡維士庶用命南
徼殷社北塞萊衣海碣謐然開河不警青

祇惟節則嘉液從來未明在律而膏潤應
序庶品順性群物靡違水火蒞粟祥候茲
備凡我地庶鼓腹可期寔由神祇眷止精
靈是贊有一於斯載深衽荷願循虛昧當
此萬機刑厝未及獄訟不息虐吏日以輕
重朱筆致其淺深肺石靡申圓土貽怨天
下之廣豈曰無之子育黔首也地當憂責
一物非所懼深在予坐衣望曉非此孰念
今宇宙清朗風雨和洽草木條暢昆虫
滋爰仁玉燭宜存寬政赦罪開仁務申息
厚可大赦天下自武定三年五月廿六日
昧爽已前謀及大逆已發覺赤手斂人繫

囚見徒流配邊方未達前所者悉原免
宋文帝嘉禾秀京師大赦詔一首

門下朕奉承宗祀嗣守鴻業夙夜夤畏思
隆丕緒未能光宣先德式揚風教惠政弗
孚矢言靡訓庶徵誓度邊患屬興念深納
隍每懷明發故躬親帝藉敬恭務本芟夷
不端採雪萌瘼項羣方効捷要荒草面時
和歲稔禎祥仍集嘉稷玄黍頌秀京畿合
稔祕苑擢穗千畝潔粢神倉薦饗郊廟三
才協靈幽顯偕順永惟休祐何以臻茲自
天降康豈伊在予思覃斯慶施于萬邦可
大赦天下文武賜位一等華林園職籌量

文館詞林

六百六十七

賜之

後周明帝靈鳥降大赦詔一首
惟二年八月景子王若曰誥我太師太傅
太保大冢宰大司徒大宗伯大司馬大司
寇大司空爰暨列將大夫士州牧守士公
侯伯子男等夫天不愛寶地稱表瑞莫不
威鳳巢閣因龍躍沼豈直日月珠連風雨
玉燭是以鈎命決曰王者至孝則出元命
苞曰人君孝道所感有虞蒸々來茲異趾
周文翼翼翔此靈禽文考至德下覃遺仁
爰被遠符千載降斯三足表離曜之明效
君道之正將使三方歸本九州龜一惟此

大祉景福在人予安敢讓宗廟之善弗宣
大惠可大赦天下文武官普進二級自今
二年八月十五日昧爽以前大辟罪以下
厥狀發露未發露其案成洎見徒皆悉降
不問

靈鳥等瑞大赦詔一首

制詔惟夫天工人代樹之元首休徵咎徵
必有攸應我皇家受天明命奄有萬國夙
宵震惕勵精不怠登靈臺以觀物坐總章
而布政庶幾六沕不起五福相生祖宗貽
厥禎祥頰集九尾一見三足以來仁獸呈
儀慶雲表色至如倉鳥赤雀白菟玄狐嘉

文館詞林

六百六十七

禾連理芝草甘露史不絕書充仞天府玉
燭斯調膏雨應節東佐歲平西成屢稔重
以東國行仁哀矜庶獄朕大伯母及第四
姑楊氏逢茲寬政獄宥來西惟姑已至循
心載展伯母礙暑許尋禮送言而有信所
以為國事本由喪義無乖爽伯母仁姑屬
尊德懿離隔三紀欣奉一朝既荷天休又
兼家慶思與億圉同此骨悅可大赦天下
又靈鳥等瑞大赦詔一首

制詔朕聞受命之君必有神靈之異禎祥
之符然後得處乎地人之上不然曷以永
年哉是以方冊所述其事甚衆至如湯有

白狼文有赤雀皆為表明其道一人視聽
我有周誕受天明于今六祀三薦神鳥之
瑞再獻芝草之禎呈九尾於東郊獲三角
於南鄙嘉禾生於舊郊連理出於安定華
平茂乎禁液甘露泣乎芳苑其餘祥見殆
無虛月朕內省寘薄豈曰能致當由大祖
靈聖幽明無極餘慶可覃猥鍾下武可述
先志厲所庶幾安敢讓茲景福壅天之慶
可大救天下

隨文帝獲寶龜大救詔一首 李德林

門下昔文出龍鱗軒示於俗字生龜甲堯
告群臣蓋祗奉天心宣揚神化朕以薄德

文館詞林

六百六十七

荷天之休道未潛通常懷愧悚粵以閏三
月癸丑汝州刺史元崇義獻寶龜一其腹
下甲文曰天下揚興隱骨天成文字明顯
傍有二所似日月之字此龜出於汝水得
自漁人崇義見以為遣使任貢朕傳諸內
外俱共遍觀王公卿士咸曰休哉於是尚
書奏儀太常擇日喜見圖書之瑞請式壇
場之禮往者初膺大寶律應仲春禋祀南
郊恐違時令月惟首夏德主於離敢遵肆
類之典仍受龜書之賜皇靈明命昭著殷
勤拜伏震驚增其慙惕上玄之意唯在愛
人自君臨四海憂勞地庶未能草前王之

彫弊變未俗之好穴禮教尚擁囹圄弗空
百姓有過實非其罪是朕訓導不明陷於
刑戮何以副蒼昊之德稱黔首之懷責在
朕躬無所逃避今燠怒之使當生長之時
仰惟天道義存寬宥固將潛運生靈俱登
仁壽宜刷蕩瑕穢許其自新可大救天下
貞觀年中獲石瑞曲赦涼州詔一首
門下昔朱鳥降於周代君臣動色黃龍見
於漢室天下稱慶况乃禎祥顯著靈眷昭
然者哉朕嗣守宗祧夙夜夤畏憂勤在於
政道撫育遍於含生十七載于茲矣上玄
儲祉貞石表瑞成命發於文字事高振古

冥符邁於河洛祚表無疆朕是以式備禋
燎躬謝蒼昊逮于儲兩亦申虔拜玄冬式
序黃鍾在律翔風既切飛雪載零及長至
在辰同雲倏卷既升泰壇爰奉玉帛六合
開朗愛日揚光兩儀交泰靈既允集神祇
永福豈獨在予和樂之慶宜被率土可賜
天下大酺三日自漢魏以來及於近代每
有大慶或賜牛酒然牛之為用耕稼所資
多有宰斂深乖惻隱其男子年七十以上
令州縣各量給酒米麵並以官物充涼州
之地嘉瑞攸出加恩之典抑有舊章涼州
都督府一州及所管縣大辟罪以下見禁

囚徒並宜原放其十惡故致人劫賊傷人竊傷人謀煞人已傷官人枉法受財監臨主守自盜盜所監臨悉不在施限都督府官人及當州折衝府并縣官人並宜賜會以官物充仍令通事舍人一人馳驛往宣詔并看會涼州百姓給復一年金紫光祿大夫行同州刺史檢校都督安康郡開國公李襲譽賜絹一百疋所管縣令賜絹卅疋囚繫之徒雖有罪謹目茲嘉慶弥用哀矜其京城見禁囚徒宜令皇太子諱慮過其諸州囚徒遣使入道馳驛往慮十惡皆不在慮限訖並奏聞仍令所司具為事條

漢元帝火災赦詔一首
制詔曰迺者火災降於孝武園館朕戰慄恐懼不燭變異咎在朕躬有司又未肯熱言朕過以至於斯將何以寤焉百姓仍遭凶阨無以相振加以煩擾乎苛吏拘牽乎微文不得永終性命朕甚閔焉其赦天下後漢順帝災旱大赦詔一首
制詔朕託王公之上涉道日寘政失厥中陰陽氣隔寢盜放肆庶獄弥繁憂悴永歎疾如首詩云君子如祉亂庶遄已三朝之會朔旦立春嘉興海內洗心自新其大赦天下從甲寅赦令已來浚秩屬藉三年正

月以來還贖其閭顯江京等知識督姻禁
一原除之務崇寬和敬順時令遵典去苛
以稱朕意
西晉武帝三辰謫見大赦詔一首
制詔蓋古之聖王統天御俗咸能仰協陰
陽俯和庶類使休徵咸應率土獲安無災
青之患蒙人康之福朕君臨萬邦託于王
公之上而德不足以承天惠不足以懷物
仁誠未着政刑多失三辰見謫水旱為災
人食不足困于飢饉寇戎不靜征戎勤瘁
亡逃竄於林莽繫執幽於囹圄犯罪離辜
刑傷者衆何不達之遠朕甚自媿也赦過

文館詞林

六百六十七

宥罪易著其象昔灾肆赦書載其義此所
以蕩瑕滌穢責已崇寬祗慎式異變復之
道也思與百姓曰新其化其大赦天下
西晉惠帝玄象失度大赦詔一首
制詔古之明君導人以德齊之以禮人有
廉耻之風尚何姦宄之有故能令行而不
犯刑措而不用朕以寬德政化多否各徵
任見天象失度陰陽謬沕水旱為灾每覽
斷獄請奏離辜者衆大皆錄俊勤瘁窮困
之由上失其道以陷生靈之命朕甚自愧
也間詔當錄廷尉洛陽以散理寬疑有所
寬宥而今唯加京城不及州郡蒙之者實

文館詞林

十一

懼無以上承天貳下全黎元其大赦天下
自殊死以下皆赦除之庶在位羣賢厲意
盡心日新其後具為令
西晉愍帝地震大赦詔一首
制詔朕以寬德昧于大道承祖宗之餘慶
當廢興之歷運受命于茲荏苒四載外不
能掃蕩元寇奉及梓宮內不能協和陰陽
清穆華夷而近地大震動天將以此警肅
朕躬昔鼎身之灾殷宗脩德天地變動素
服遷殿今劉載孤寂逆黨乖離前克大舉
席卷平陽然羣庶誑誤染罪者衆宜開弘
宥以功補愆自頃二秦飢荒兵革累年易

文館詞林

六百六十七

子折骨道殫相望無賴之人毀廢漢陽憫
茲窮隸重以歎惻又聞平陽蒲坂已東及
關外六夷咸有反善內附之心其大赦天
下唯劉載起舟家室不從赦例

東晉穆帝日月薄蝕大赦詔一首
制詔朕承先緒纂嗣洪基不能弘濟以道
惠康黎庶至使眚俗流弊以陷于釁辟掠
楚過訐或有誣濫每聽刑竟所以矜悼申
復至于再三而未能過者求其也頃日月
薄蝕五緯愆度謹罰既彰各徵又臻不有
失政何以致此雖懷惕厲罔知其郵資始
厚載輒坤之德肆青宥罪先王仁澤月正

文館詞林

十二

元日履端草始思與萬國暢此惟新其大
救天下賜繇寬孤獨不能自存者人米五
斛

東晉海西公灾青大救詔一首

制詔朕以實德遭家多難慕兼洪基屬當
大重雖夙夜兢兢昧且思政而不能陶融
玄化宣理二氣致令天文改變太陽虧曜
五緯錯繆於上水旱灾害於下外則寇逆
未平戎役殷廣內則勞務未已人力彫弊
而文武之司不能勤盡人隱惟刑之邳罪
者衆獄訟繁積每覽其事愧悼于懷書去
邦之滅否在予一人思惠元元以康地庶

文館詞林

六百六十七

文館詞林

六百六十七

其大救天下與物更始今年三月七日昧
爽以前謀及大逆手煞人以下皆赦除之
唯苻堅慕容焯不從赦例庶樂生之類逐
陽和以敷育寃結之氣隨谷風以舒散豈
敢以上謝天譴盖所以少慰其心主者依
舊具條制宣下稱朕意焉

東晉孝武帝地震大救詔一首

制詔夫改道未弘風化未溥求之人事理
盡為遠欲令玄象畧度五緯順序其可得
乎頃者上天垂鑒謹告屢彰朕有懼然震
惕于心思所以存誠致感脩近應遠者在
於議獄緩死救過宥罪庶因天變與人更

始其大赦天下謀及大逆手煞人以下坐
盧棟拉罪者悉皆原之冠禮之重告成宗
廟前朝舊典晉有位賜蓋酬率土咸同嘉
慶其追增文武位各一等夫刑獄者求盡
情當一失其聽則僭濫功臣賢者社稷所
由替而弗嗣則勲美永湮愛敬者自然之
性幽而弗顯則至行靡聞操業者砭礪之
階略而弗甄則貞實沉淪今其簡剏刑獄
興廢繼絕有孝於其親忠於其君義婦順
孫見重於邦鄉者又搜楊隱滯務求遺逸
一不之操必令上達其宣下四方皆以狀

文館詞林

六百六十七

東晉孝武帝運震大赦詔一首
制詔朕以寬德昧于政道承祖宗之重託
王公之上雖仰衽先典傍賴宰輔夕惕晨
興思勩遠猷而誠之所感弗能熙暢天和
政之所弘未足允洽時雍嘉祥愆應咎徵
仍至重以天威運震告青觀異衽惶式懼
有同冰谷可以不仰惟靈譴克已思復鑒
于休否弘其攸濟夫祈天存乎順人剏災
莫若脩德陷于辜蓋司契之責怨讟弥興
寔屢擾之由宜其明郵政刑求人之瘼乃
身存誠惠極危塗炭其大赦天下自謀及
大逆手煞人以下在今年六月十九日昧

十四

爽以前皆赦除之比歲荒儉百姓多弊其
自泰元三年以前所餘連租宿責備減儻
耗壹皆蠲除鰥寡窮獨孤老六疾不能自
存者人卹米五斛寢逆未弥壇場多虞經
略遠防非衆莫濟衰此忒役勞怨未已豈
忘寧息方事維殷其夏口忒人年既周各
復其本不得以一時充役遂深以軍名主
者明養此詔以為永制又多有死亡存沒
可憫其下所在各賜其家米十斛人遇疫
厲死者家給布二疋於戲百辟羣司並悉
心力嘉謀忠告以匡不逮政有不便於人
者隨事以聞懋弼諧予一人以懷保于地

文館詞林

六百六十七

文館詞林

六百六十七

庶夫登賢進善有國基趾簡靜仁惠為政
所先斯道既弘誠心是暢庶乎衆穀降殷
早雲興周
東晉孝武帝大旱恩宥詔一首
制詔頃玄象失度大旱成灾由朕之不德
昧于政道雖復夕惕若厲坐以待旦徵咎
思復因知攸濟自非寬刑省賦惠安百姓
無以仰謝天譴俯塞人責便籌量賑給孤
老明察庶獄且可考計郡縣人戶叛散之
數一年內死多必有傷化害政不便於人
者各隨局揆言得失朕將虚心聽焉往以
強寢縱逸權取賊吏盖當時之宜非經國

之制或因犯事遂謫充皂隸雖羣小多愆亦由役使無方陷之刑辟良用憮然其過衛葬一皆散遣縱年限未滿悉還屬所隨才叙用勿拘往制

東晉孝武帝陰陽愆度大赦詔一首

制詔強寇剋弥而經略惟始事役之勤未及一息加比年不登道殍相望物不獲豫則輕陷刑辟頃玄象告變水旱不調天人同符有若影響豈將教違冥復之本化乘覃及之德哀矜未著於此故令陰陽愆度於彼邪惟茲在予永言增歎思_今黎元與之更始羣戎草面開其自新洗誠宥罪庶答

文館詞林

六百六十七

天譴其大赦天下

東晉孝武帝玄象告譴大赦詔一首

制詔上德不言而玄化自運豈時有隆夷將弘之由人邪朕兼天位思齊厥旨庶存誠寘復理順漸至而風教弥陵頌聲弗聞玄象違行告譴不已頃雖洗心尅已曾無徵應動之失理其實在予而歸咎百姓陷以刑罰非所以宥元之命對上天之意也今元會大享率土同歡和德始布含生樂遂因感兼懷思令地庶其大赦天下十年以前逋租宿責悉蠲除之

東晉安帝玄象告譴大赦詔一首

制詔夫霜露易節歲功遂其序德刑代揮
哲王凝其宰斯顯仁之至用成務之通軌
自道謝玄風靡不由之者也朕以寬德弗
克負荷洪統靈基中墜泉谷幸賴命時再
建皇極每鑒寐永念三復厥難思弘振王
道以康惟新之祐而理乖昧始其差或遠
虛誠未着灾眚已彰項玄象屢譴於上允
早每愆于時凶愚之狡猶或妄作豈餘圯
之未澄將在于予之寔臻耶仰懷俯慨良增
惟疚其大赦天下與之更始謀及大廷手
敕在今年三月十九日以前皆赦除之逋
租宿負應所除者詳為條制往以年穀荒

儉故禁酒以紓其弊既去稔告登百姓粗
給宣導情禮亦不宜久擁可還通之
南齊高帝水旱乘度大赦詔一首 王儉
門下朕君臨區寓於今三載雖夙宵夤忒
弗遑荒怠而陰陽未調水旱乘度倉廩既
闕風教多違囹圄寔繁政刑靡緝万方之
過在予一人思弘優澤勗茲更始可大赦
天下逋租宿責祥所原除
後周宣帝大旱息降詔一首
制詔朕以寬薄昧於政方不能使天地休
和陰陽調序自春涉夏甘澤未豐既軫西
郊之難將虧南畝之業興言夕惕無忘鑒

寐良由德化未敷政刑多殫萬方有罪責
在朕躬思覃寬恤被之率土見囚死罪並
降從流流罪徒五歲刑以下悉皆原宥其
及叛惡逆不道及常被所不免者不在降
例

陳宣帝辰象愆度大赦詔一首

門下盡冠弗犯革此澆風孳戮是陷化於
薄俗朕甫膺寶命迄將一紀思經邦濟俗
憂國愛人日昃劬勞夜分輟寢而還淳反
扑其靡階雍熙盛美莫云能致遂乃鞠許
之際盈於聽覽春欽之人煩於牢周成刑
措漢文斷獄杼柚空勞邈焉既遠加以叢

文館詞林

六百六十七

文館詞林

六百六十八

介醜徒軼我彭汴淮汝萌庶企踵王略甫
兵誓旅義存拯救飛莖挽粟征賦頗煩暑
雨祁寒寧忘咨怨無宿度乖殫次舍違方
若曰之誠責歸元首愧心斯積馭朽非懼
即建子今月微陽初動應此嘉辰宜播寬
澤可大赦天下
貞觀年中為山東雨水大赦詔一首
門下天地播氣垂生育之德皇王御曆弘
覆燾之仁故能財成萬類光宅八表朕祗
奉茲訓嗣守鴻業美百王之季末屬四海
之彫殘晨興夕惕毋忘地庶尅已勤躬思
隆政道欲使陰陽順序于戈載戢庶幾前

先是日本文化中林述齋刻逸存叢書收文館詞林四卷中土驚爲祕笈及余東來見森立之訪古志所載又有溢出此四卷之外者六卷因據以蹤跡之則又溢出於訪古志之外者九卷除林氏已刻之四卷及第三百四十八之馬融廣成頌餘十四卷今星使黎公盡以付之梓人其大字疏行者係小島尚質從原本摹出其小字密行者則傳鈔本也中間不無奪文壞字覽者當自得之阮文達據唐會要垂拱二年于文館詞林內采其詞涉規試者勒成五十卷賜新羅國王因謂當時頒賜屬國之本原非足冊今攷藤原佐世見在書目有文館詞林一千卷又源順倭名

類聚鈔序云文館詞林一百秩則彼國所得實為足本今校其所存各卷門類繁多不盡規試之辭且第六百六十五卷後有儀鳳二年書手李神福寫字樣是更在垂拱以前其非刪節之本無疑余按宋太平興國中輯文苑英華收羅至博而此書不見采錄故崇文總目僅載文館詞林彈事四卷宋史藝文志僅載文館詞林詩一卷是皆零殘之遺若其全書則已為北宋人所不見通志畧載文館詞林一千卷僅據唐志入錄實未見原書此十四卷中雖略有見於史書文選及本集者而其不傳者十居八九可不謂希世珍乎刻成後柏木政矩復貽目錄一紙據稱是嘉永間小林辰所訪通計其國

文館詞林

跋尾

尚存三十卷至今有存於淺草文庫者有存於西京大覺寺者皆不易傳錄故今附刻其目以俟後之人焉光緒甲申二月宜都楊守敬記

小林辰所得元祿間鈔本文館詞林目錄

卷一百五十二	西京大覺寺影鈔本	又淺草文庫縮寫本
卷一百五十六	西京大覺寺影鈔本	又西京大覺寺縮寫本
卷一百五十七	西京大覺寺影鈔本	又西京大覺寺縮寫本
卷一百五十八	西京大覺寺影鈔本	又西京大覺寺縮寫本
卷一百六十	西京大覺寺影鈔本	又西京大覺寺縮寫本
卷三百三十八	未詳所在	
卷三百四十六	西京大覺寺影鈔本	又西京大覺寺縮寫本

卷三百四十七 鈔本 京大 今覺 寺影 刻
卷三百四十八 本 攝首 西京 大勝 福寺 所影 鈔本 馬卷 融尾 廣原

卷四百一十四 文成 頌今 一首 見刻
卷四百一十四 村西 觀京 大齋 所覺 寺影 祿鈔 縮本 寫又 本木

卷四百五十二 齋鈴 所木 真元 所祿 縮藏 寫影 鈔本 今又 木村 觀

卷四百五十三 草西 文京 大庫 縮覺 寺影 鈔本 今又 刻

卷四百五十五 未詳 所在

卷四百五十七 觀西 齋京 大所 藏覺 寺祿 影鈔 縮本 又木 村

卷四百五十九 小卷 島首 鈴木 真年 所藏 比影 鈔本 兩本 為卷 完尾

卷五百七 觀物 齋又 所西 藏京 元祿 縮寺 寫影 鈔本 今又 木村

書原 廿本 七柏 行木 殘探 缺甚 今藏 不刻 存璽

文館詞林

跋尾

卷六百五十五 未詳 所在

卷六百六十二 藏原 已本 見柏 佚存 叢古 書所

卷六百六十四 藏原 已本 見柏 佚存 叢古 書所

卷六百六十五 又木 西村 觀齋 所藏 元祿 刻數 縮寫 本

卷六百六十六 寺原 雁本 火藏 高野 己山 刻古

卷六百六十七 在原本 今未詳 刻所

卷六百六十八 藏原 已本 見柏 佚存 叢古 書所

卷六百六十九 村西 觀京 大齋 所覺 寺影 祿鈔 縮本 寫又 本木

卷六百七十 草西 文京 大庫 縮覺 寺影 鈔本 今又 刻

卷六百九十一 影西 鈔京 大本 又覺 淺寺 草影 文鈔 庫本 縮又 寫鈔 本木 真今 年

刻已

卷六百九十三 未詳所在

卷六百九十五 原本攝津國勝福寺所藏又佚存

叢書

卷六百九十九 西京大覺寺影鈔本又鈴木真縮年

寫本

卷名未詳殘簡 西京大覺寺影鈔本至此卷現存自

後梁蕭欽讓侍中表至後梁沈君

侍中表凡三首

